

東坡集

十六

第六冊

十六卷

目

東坡集卷第十六

詩八十八首

送戴蒙赴成都玉局觀將老焉

拾遺被酒行歌處野梅官柳西郊路聞道華陽
板籍中至今尚有城南杜我欲歸尋萬里橋水
花風葉暮蕭蕭芋魁徑尺誰能盡榴木三年已
足燒百歲風狂定何有羨君今作我眉叟縱未
家生執戟郎也應世出理輪守莫歎老病未歸
身玉局他年第幾人會待子猷清興發還須雪
夜去尋君

送陳睦知潭州

華清縹眇浮高棟上有纈林藏石甕一杯此地
初識君千巖夜上同飛鞚君時年少面如玉一
飲百觚嫌未痛白鹿泉頭山月出寒光潑眼如
流永朝元閣上酒醒時卧聽風鑿鳴鐵鳳舊游
空在人何處二十三年真一夢我得生還雪鬢
滿君亦老嫌金帶重有如社鷺與秋鴻相逢未
穩還相送洞庭青草渺無際天柱紫蓋森欲動
湖南萬古一長嗟付與騷人發朝弄

用前韻荅兩掖諸公見和



雙猊蟠礎龍纏棟金井輓轡鳴曉甕小殿垂簾
白玉鉤大宛立仗朱絲鞵風馭賓天雲雨隔孤
臣忍淚肝腸痛羨君意氣風生坐落筆縱橫盤
走汞上樽日日寫黃封賜茗時時開小鳳閉門
憐我老太玄給札看君賦雲夢金奏不知江海
眩木瓜屢費瑤瓊重豈惟蹇步困追攀已覺侍
史疲犇送春還宮柳鬢支活雨入御溝鱗甲動
借君妙語發春容顧我風琴不成弄

次韻王覲正言喜雪

聖人與天通有詔寬獄市好語夜喧街濕雲朝
覆砌紛然退朝後色映宮槐媚欲誇剪刻工故
上朱藍袂我方執筆待未敢書上瑞君猶伏閣
爭高論亦少慰霏霏止還作盎盎風與氣神龍
久潛伏一怒勢必倍行當見三白拜舞謹萬歲
歸來飲君家酣詠追既醉

和蔣發運

夜語翻千偈書來又一言此身真佛祖何處不
羲軒船穩江吹坐樓空月入樽遙知思我處醉
墨在頽垣

送表弟程六知楚州

炯炯明珠照雙壁當年三老蘇程石里人下道
避鳩杖刺史迎門倒鳧鳥我時與子皆兒童狂
走從人覓梨栗健如黃犢不可恃隙過白駒那
暇惜醴泉寺古垂橘柚石頭山高閣松櫟諸孫
相逢萬里外一笑未解千憂積子方得郡古山
陽老手生風謝刀筆我正含毫紫微閣病眼昏
花困書檄莫教印綬繫餘年去掃墳墓當有日
功成頭白早歸來共藉梨花作寒食

和人假山

上黨捩天碧玉環絕河千里抱商顏試觀煙雨
三峯外都在靈仙一掌間造物何如童子戲寫
真聊發使君閑何當挈取征西去畫作圍床六
曲山

送王伯敏守虢

華山東麓秦遺民當時依山來避秦至今風俗
含古意柔桑淶水招行人行人掉臂不回首爭
入峭函土囊口惟有使君千里來欲飲三堂無
事酒三堂本來一事無日長睡起聞投壺牀頭
硯石開雲月澗底松根斲雪腴山棚盜散人安
寢勸買耕牛發陳廩歸來只作水衡卿我欲攜

壺就君飲

道者院池上作

下馬逢佳客攜壺傍小池清風亂荷葉細雨出
魚兒井好能冰齒茶甘不上眉歸塗更蕭瑟真
箇解催詩

次韻子由送千之姪

江上松楠深復深蒲山風雨作龍吟年來老榦
都生菌下有孫枝欲出林白髮未成歸隱計青
衫儻有濟時心閉門試草三千牘灰席求人少
似今

集第十六

四

書文與可墨竹并叙

亡友文與可有四絕詩一楚詞二草書三畫四
與可嘗云世無知我者惟子瞻一見識吾妙處
既沒七年覩其遺迹而作是詩

筆與子皆逝詩今誰爲新空遺運斤質却弔斷
絃人

次韻錢舍人病起

牀下龜寒且耐支杯中虵去未應衰殿門明日
逢王傅欄具爭先看無疑坐覺香煙攜袖少獨
愁花影上廊遲何妨一笑千痾散絕勝倉公飲

上池

次韻和王鞏

謫仙竄夜郎子美耕東屯造物豈不惜要令工
語言王郎年少日文如餅水翻爭鋒雖剽甚聞
鼓或驚犇天欲成就之使觸羝羊藩孤光照微
陋耿如月在盆歸來千首詩傾寫五石樽却疑
彭澤在頗覺蘇州煩君看鄒忌子廉折配春溫
知音必無人壞壁掛桐孫

用王鞏韻送其姪震知蔡州

九門揮天開萬馬先朝屯舉鞭紅塵中相見不
得言夜走清虛宿扣門驚鵲翻君家汾陽家永
巷車雷犇夕郎方不夕列戟以自藩相逢開月
閤畫簷低金盆至今夢中話猶舉燈前樽阿戎
脩玉牒未憚筆削煩君歸助獻納坐繼岑與溫
我客二子間不復尋諸孫

子美詩云權門多
嗜啗且復尋諸孫

虢國夫人夜遊圖

佳人自鞚玉花驄翩如驚鷲踏飛龍金鞭爭道
寶釵落何人先入明光宮宮中羯鼓催花柳玉
奴絃索花奴手坐中八姨真貴人走馬來看不
動塵明眸皓齒誰復見只有丹青餘淚痕人間

俯仰成今古吳公臺下雷塘路當時亦笑潘麗
華不知門外韓擒虎

用舊韻送魯元翰知洛州

我在東坡下躬耕三畝園君爲尚書郎坐擁百
吏繁鳴蛙與鼓吹等是俗物喧永謝十年舊老
死三家村惟君綈袍信到我雀羅門緬懷故人
意欲使薄夫敦新年對宣室白首代堯言相逢
問前輩所見多後昆道館雖云樂冷卿當復溫
還持刺史節却駕朱輪軒黃髮方用事白須宜
少存嗣聖真生知拯民如救燔初囚羽淵魄盡
返湘江魂坐憂東郡決老守思王尊北流桑柘
沒故道塵埃翻知君一寸心可敵千步垣流云
自栖止老幼忘崩犇得閑閉閣坐勿使道眼渾
聊乘應捨棧直泝無生源歸來成二老夜榻當
重論

次韻朱光庭初夏

朝罷人人識鄭崇直聲如在履聲中卧聞踈響
梧桐雨獨詠微涼殿閣風諫苑君方續承業醉
鄉我欲訪無功陶然一枕誰呼覺牛蟻新除病
後聰

次韻朱光庭喜雨

夕芒趙盾日欣逢傳說霖坐知千里足初覺雨
河深破屋常持傘無薪欲爨琴清詩似庭燎雖
美未忘箴

奉 敕祭西太一和韓川韻四首

聖主新除秘祝侍臣來乞豐年壽宮神君欲至
半夜靈風肅然

玉璽親題御筆金童來侍天香禮罷祝融參乘
前驅已過衡湘

解劍獨行殘月披衣困卧清風夢蝶猶飛旅枕

粥魚已響桐

陂水初含曉渌稻花半作秋香皂盖却迎朝日
紅雲正遶宮墻

西太一見王荆公舊詩偶次其韻二

首

秋早川原淨麗雨餘風日清酣從此歸耕劔外
何人送我池南

但有樽中若下何須墓上征西間道烏衣巷口
而今煙草萋迷

次韻子由送陳侗知陝州

誰能如鐵牛橫身負黃河滔天不能沒尸箠未
易訶世俗自無常徐公故逶迤別來不可說事
與浮雲多當時無限人毀譽即墨阿虛聲了無
實夜蟲鳴機梭相逢一笑外奈此白髮何天驥
皆籥雲長鳴飽芻禾王庭旅百寶大貝隨弓戈
君獨一麾去欲賡五袴歌甘棠古樂國白酒金
巨羅知君不夕留治行中新科過客足暝喜東
堂記分鵝此外但坐歎後生工揣摩

送賈訥侔眉二首

當年入蜀歎空回未見峩眉肯再來童子遙知

文獻卷第十六

頌襦袴使君先已洗樽壘

李大夫眉之賢守也

鹿頭北望

應逢鴈人日東郊尚有梅

人日出東郊渡江藩臺顧山眉之故事也

我老不堪歌樂職後生試覓子淵才

老翁山下玉淵回手植青松三萬栽父老得書

知我在小軒臨水為君開試看一一龍蛇活更

聽蕭蕭風雨哀便與甘棠同不翦蒼髯白甲待

歸來

先君葬於墓顧山之東二十餘里地名老翁泉君許為一往感歎之深故及

送程建用

先生本舌耕文字浩千頃空倉付公子坐待發
苜穎十年困新說兒女爭捕影鑿垣種蒿蓬嘉

穀誰復省空餘南陔意太息北堂冷織屨隨方
進採薪教葦筮辛勤守一經菽水賢五鼎今年
聞起廢魯史復光景公子亦改官三就繁馬頸
歸來一笑粲素髮颯垂領會看金花詔湯沐奉
朝請天公不吾欺壽與龜鶴永

次韻李脩孺留別二首

十年流落敢言歸魚鳥江湖只自知豈意青天
掃雲霧盡呼黃髮寄安危風流吾子真前輩人
物他年記一時我欲折繻留此老緇衣誰作好
賢詩

此生別袖幾回麾夢裏黃州空自疑何處青山
不堪老當年明月巧相隨窮通等是思家意衰
病難堪送客悲好去江魚煮江水劔南歸路有
姜詩

次韻黃魯直赤目

誦詩得非子夏學紬史正作丘明書天公戲人
亦薄相略遣幻翳生明珠賴君年來屏鮮腴百
千燈光同一如書成自寫蠅頭表端就君王覓
鏡湖

和周正孺墜馬傷手

平生學道已神宇豈復兒童私自憐醉墜何曾
傷內守色憂當爲念先傳書空漸覺新詩健把
蟹行看樂事全賣却老驄爲酒直大呼鄉友作
新年

戲周正孺二絕

折臂三公未可知會當千鎰訪權竒勸君鬻駱
猶閑事腸斷閨中楊柳枝
天旣新頒玉臯驛故人共敝亦常情相如雖老
猶能賦換馬還應繼二生

題文與可墨竹并叙

東坡集卷第十六

十

故人文與可爲道師王執中作墨竹且謂執中
勿使他人書字待蘇子瞻來令作詩其側與可
旣沒八年而軾始還朝見之乃賦一首

斯人定何人遊戲得自在詩鳴草聖餘兼入竹
三昧時時出木石荒怪軼象外舉世知珍之賞
會獨余最知音古難合奄忽不少待誰云死生
隔相見如龔隗

潘推官母李氏挽詞

南浦淒涼老逐臣東坡還往盡幽人杯盤慣作
陶家客弦誦常叨孟母鄰尚有升堂他日約豈

知負土一阡新今年我欲江湖去莫雨連山宰
樹春

玉堂栽花周正孺有詩次韻

故山桃李半荒榛粗報君恩便乞身竹簟暑風
招我老玉堂花藥爲誰春纖纖翠蔓詩催發皎
皎霜葩髮鬪新只有來禽青李帖他年留與學
書人

社介送魚

新年已賜黃封酒舊老仍分頰尾魚陋巷閉門
負朝日小園除雪得春蔬病妻起斫銀絲膾稚
子謹尋尺素書醉眼矇矓覓歸路松江煙雨晚
踈踈

東集卷第十六

十一

送杜介歸揚州

再入都門萬事空閑看清洛漾東風當年帷幄
幾人在回首觚稜一夢中採藥會須逢薊子問
禪何處識龐翁歸來鄰里應迎笑新長淮南舊
桂叢

秋詠石屏

霏霏點輕素眇眇開重陰風花亂紫翠雪外有
煙林雪近勢方壯林遠意殊深會有無事人支

願識此心

和黃魯直燒香二首

四句燒香偈子隨香遍蒲東南不是聞思所及
且令臯觀先參

萬卷明窻小字眼花只有爛斑一炷煙消火冷
半生身老心閑

再和二首

來詩言飲酒
畫竹石草書

置酒未逢休沐便同越北燕南且復歌呼相和
隔牆知是曹參

丹青已自前世竹石時窺一斑五字當還靜節

東集第十六

十一

數行誰似高閑

武昌西山

并叙

嘉祐中翰林學士承旨鄧公聖求爲武昌令常
遊寒溪西山山中人至今能言之軾謫居黃岡
與武昌相望亦常往來溪山間元祐元年十一
月二十九日考試館職與聖求會宿玉堂偶話
舊事聖求嘗作元次山窪樽銘刻之巖石因爲
此詩請聖求同賦當以遺邑人使刻之銘側
春江淥漲蒲萄醅武昌官柳知誰栽憶從樊口
載春酒步上西山尋野梅西山一上十五里風

駕兩掖飛崔嵬同遊困卧九凸嶺褰衣獨到吳
王臺中原北望在何許但見落日低黃埃歸來
解劔亭前路蒼崖半入雲濤堆浪翁醉處今尚
在石臼杯飲無樽罍爾來古意誰復嗣公有妙
語留山隈至今好事除草棘常恐野火燒蒼苔
當時相望不可見玉堂正對金鑿開豈知白首
同夜直卧看椽燭高花摧江邊曉夢忽驚斷銅
環玉鎖鳴春雷山人帳空猿鶴怨江湖水生鴻
鴈來請公作詩寄父老往和萬壑松風哀

再用前韻

朱顏發過如春醅胃中梨棗初未栽丹砂未易
掃白髮赤松却欲參黃梅寒溪本自遠公社白
蓮翠竹依崔嵬當時石泉照金像神光夜發如
五臺飲泉鑿面得真意坐視萬物皆浮埃欲收
暮景返田里遠沂江水窮離堆還朝豈獨羞老
病自歎才盡傾空壘諸公渠渠若夏屋吞吐風
月清隅隈我如廢井久不食古甃缺落生陰苔
數詩往復相感發汲新除舊寒光開遙知二月
春江闊雪浪倒卷雲峯摧石中無聲水亦靜云
何解轉空山雷欲就諸公評此語要識憂喜何

從來願求南宗一勺水往與屈賈湔餘哀

韋應物詩

云水性本云靜石中固無聲如何兩相激雷轉空山驚

送楊孟容

我家峩眉陰與子同一邦相望六十里共飲玻
瓈江江山不違人遍滿千家窻但苦窻中人寸
心不自降子歸治小國洪鍾噓微撞我留侍玉
坐弱步軟豐扛後生多高才名與黃童雙不肯
入州府故人餘老龐慙慙與問訊愛惜霜眉厖
何以待我歸寒醅發春缸

見子由與孔常父唱和詩輒次其韻

東坡集十六

志

余昔在館中同舍出入輒相聚飲酒
賦詩近歲不復講故終篇及之庶幾
諸公稍復其舊亦太平盛事也

君先魯東家門戶照千古文章固應爾須臾餘
似處雖非蒙俱狀尚肖歷國苦誦書口瀾翻布
穀雜杜宇十年困犇走擲沐飽風雨吾道其非
耶野處豈兕虎灞陵閑老將拍直口尚乳自君
兄弟還鼎立知有補蓬山耆舊散故事誰刪去
來迎馮翊傳出餞會稽組吾猶及前輩詩酒盛
冊府願君唱此風揚解斯杜舉

趙令晏崔白大圖幅徑三丈

扶桑大壘如甕盎天女織綃雲漢上往來不遣
鳳銜梭誰能鼓臂投三丈人間刀尺不敢裁丹
青付與濠梁崔風蒲半折寒鴈起竹間的皜橫
江梅畫堂粉壁翻雲幕十里江天無處著好卧
元龍百尺樓笑看江水拍天流

次韻張昌言給事省宿

馮顛久已款殘雪戎眼何曾眩落暉朔野按行
猶雀躍東臺冥坐覺烏飛道家有烏飛之說漫誇年
少容吾在樂天詩云猶有誇張少若闔樽前舉

東坡集卷十六 十五

世稀待向崧陽求水竹一犁煙雨伴公歸

和三舍人省上

三月二十九日作明
日駕幸景靈宮

紛紛榮瘁何能久雲雨從來翻覆手恍如一夢
墮枕中却見三賢起江右曾子開劉貢父孔
經父皆江西人嗟

君妙質皆瑚璉顧我虛名但箕斗明朝冠蓋蔚
相望共扈翠輦朝宣光武皇已老白雲鄉正與
羣帝驂龍翔獨留杞梓扶明堂

送錢承制赴廣西路分都監

當年我作表忠碑坐覺江山氣未衰舞鳳尚從
天月下收駒時有渥洼姿據牀到處堪吹笛橫

梨何人解賦詩知是丹霞破佛手先聲應已懾

羣夾

廣西僧寺頃有佛動之異錢君碎而投之江中

次韻曾子開從駕二首

街槐綠闇雨初勻瑞霧香風滿後塵清廟幸同
觀濟濟豐年喜復接陳陳雍容已饜天庖賜俯
伏初嘗貢茗新輦路歸來聞好語共驚堯顙類
高辛

入仗寬驚愧草萊一聲清蹕九門開暉暉日傍
金輿轉習習風從玉宇來流落生還真一芥周
章危立近三槐

學士班近執政

道傍儻有山中舊問我

收身早晚回

再和

眼花錯莫鬢霜勻病馬羸騶只自塵奉引拾遺
叨侍從思歸少傅羨朱陳衰年壯觀空驚目嶮
韻清詩苦鬪新最後數篇君莫厭擣殘椒桂有
餘辛

憶觀滄海過東萊日照三山迤邐開桂觀飛樓
凌霧起仙幢寶蓋沸天來不聞宮漏催晨箭但
覺簷陰轉古槐供奉清班非老處會稽何日乞

方回

時方闕會稽寺

次韻劉貢父省上

密雲今日破郊西，踈雨脩脩未作泥。要及清閑同笑語，行看衰病費扶攜。花前白酒傾雲液，戶外青驄響月題。不用臨風苦揮淚，君家自與竹林齊。

貢父詩中有不及與其兄原父同時之歎然其兄子仲馮今為起居舍人

再和

當年曹守我膠西，共厭舖糟與汨泥。自古赤丸成習俗，因公黃犢免提攜。生還各有青山興，病起猶能小字題。莫恠歌吁數相和，曾將獄市寄

全齊

貢父為曹州盜賊皆奔秦境蓋嘗有詩云從來晉盜稍奔秦

東坡集十六

十七

送顧子敦奉使河朔

我友顧子敦，軀膽兩俊偉。便便十圍腹，不但貯書史。容君數百人，一笑萬事已。十年卧江海，不見愠喜磨。刀向豬羊醜，酒會鄰里歸。來如一夢豐頰愈，茂美平生批。敕手濃墨寫黃紙，會當勒燕然。廊廟登劔履，翻然向河朔。坐念東郡水，河來屹不去。如尊乃勇耳。

次韻子由送家退翁知懷安軍

吾州同年友，粲若琴上星。當時功名意，豈止拾紫青。事既喜違願，天或不假齡。今如圖中鶴，俛

仰在一庭

吾州同年友十三人今存者六人而巳故有琴上星圖中鶴之語

西

南正春旱廢沼黏枯萍翩然一麾去想見靈雨
零我無謫仙句待詔沉香亭空騎內厩馬天仗
隨雲駟竟無絲毫補眷焉誰語令永愧舊山叟
憑君寄丁寧

諸公餞子敦軾以病不往復次前韻

君爲江南英面作河朔偉人間一好漢誰似張
長史上書苦留君言拙輒報已置之勿復道出
處俱可喜攀與共尸尺食肉飛萬里誰言遠近
殊等是朝廷美遙知送別處醉墨爭淋紙我以
病杜門商頌空振履後會知何日一歡如覆水
善保千金軀前言戲之耳

和張昌言喜雨

二聖憂勤忘寢食百神奔走會風雲禁林夜直
鳴江瀨清洛朝回起縠紋夢覺酒醒聞好句帳
空簾冷發餘薰秋來定有豐年喜剽作新詩準
備君

次韻劉貢父西省種竹

要知西掖承平事記取劉郎種竹初舊德終呼
名字外後生誰續笑談餘

昔李公擇種竹館中戲語同舍後人指此

竹必云李文正手植貢分笑曰文正不成陰障獨繫筆亦知種竹耶時有筆工李文正

日行當見取荀供庖計已踈白首林間望天上

平安時報故人書

李衛公位都童子寺竹寺僧日報平安

偶與客飲孔常父見訪方設席延請

忽上馬馳去已而有詩戲用其韻答

之

揚雄他文不皆竒獨稱觀餅居井眉酒客法士

兩小兒陳遵張竦曾何知主人有酒君獨辭蟹

螯何不左手持豈復豈吾橫氣機遣人追君君

絕馳盡力去花君自癡醞醕與酒同一卮請君

東坡集十六

十九

更問文殊師

次韻子由書李伯時所藏韓幹馬

潭潭古屋雲幕垂省中文書如亂絲忽見伯時

畫天馬朔風胡沙生落錐天馬西來從西極勢

與落日爭分馳龍膺豹股頭八尺奮迅不受人

間羈元狩虎脊聊可友開元玉花何足竒伯時

有道真吏隱飲啄不羨山梁雌丹青弄筆聊爾

耳意在萬里誰知之幹惟畫肉不畫骨而況失

實空餘皮煩君巧說腹中事妙語欲遣黃泉知

君不見韓生自言無所學既馬萬匹皆吾師

次韻劉貢父獨直省中

明窓畏日曉先曠高柳鳴螭午更喧筆老新詩
疑有物心空客疾本無根隔墻我亦眠風榻上
馬君先鎖月軒共喜早歸三伏近解衣盤礴亦
君恩

軾以去歲春夏侍立 邇英而秋冬

之交子由相繼入侍次韻絕句四首
各述所懷

瞳瞳日脚曉猶清細細槐花暖自零坐閱諸公

半廊廟時看黃色起天庭僕射呂公門下韓公

大用

上尊初破早朝寒茗盃仍沾講舌乾陞楮諸郎
空雨立故應慙悔不儒冠

兩鶴摧頽病不言年來相繼亦乘軒誤聞九奏
聊飛舞可得裴回為啄吞

微生偶脫風波地晚歲猶存鐵石心定似香山
老居士世緣終淺道根深樂天自江州司馬除

即中知制誥遂拜中書舍人軾雖不敢自比然
謫居黃州起知文登召為儀曹遂忝侍從出處
老翁少大略相似庶幾復享
此翁晚節開適之樂焉

送宋朝散知彭州迎侍二親

東來誰迎使君車知是丈人屋上烏丈人今年
二毛初登樓上馬不用扶使君負弩爲前驅蜀
人不復談相如老幼化服一事無有鞭不施安
用蒲春波如天漲平湖靸紅照坐香生膚希鞢
上壽白玉壺公堂登歌鳳將雛諸孫謹笑爭挽
須蜀人畫作西湖圖

郭熙畫秋山平遠

潞公爲
跋尾

玉堂畫掩春日閑中有郭熙畫春山鳴鳩乳鷺
初睡起白波青嶂非人間離離短幅開平遠漠
漠疎林寄秋晚恰似江南送客時中流回頭望

東坡集十六

十一

雲巘伊川佚老鬢如霜卧看秋山思洛陽爲君
紙尾作行草炯如嵩洛浮秋光我從公遊如一
日不覺青山映黃髮爲畫龍門八節灘待向伊
川買泉石

次韻張昌言喜雨

千里黃流失故居年來赤地到青徐遙聞爭誦
十行詔無異親巡六尺輿精貫天人一言足雲
興嶽瀆萬靈趨愛君誰似元和老賀雨詩成即
諫書

書晁補之所藏與可畫竹三首

與可畫竹時見竹不見人豈獨不見人嗒然遺
其身其身與竹化無窮出清新莊周世無有誰
知此疑神

苦人今已無此竹寧復有那將春蚓筆畫作風
中柳君看斷崖上瘦節蛟虵走何時此霜竿復
入江湖手

晁子拙生事舉家聞食粥朝來又絕倒諛墓得
霜竹可憐先生槃朝日照苜蓿吾詩固云爾可
使食無肉

吾舊詩云可使食無肉不可居無竹

戲周晁補之韻

昔我嘗陪醉翁醉今君但吟詩老詩清詩咀嚼
那得飽瘦竹蕭灑令人飢詩問鳳凰飢食竹何
如駑馬肥苜蓿知君忍飢空誦詩口頰瀾翻如
布穀

書皇親畫扇

十年江海寄浮沉夢遶江南黃葦林誰謂風流
貴公子筆端還有五湖心

書李世南所畫秋景

野水參差落漲痕踈林欹倒出霜根扁舟一棹
歸何處家在江南黃葉村

可憐堂堂十八公老死不入明光宮萬牛不來
難自獻裁作團團手中扇屈身蒙垢君一洗挂
名君家詩集裏猶勝漢宮悲婕妤網蟲不見乘
鸞子

故李承之待制六丈挽詞

青青一寸松中有梁棟姿天驥墮地走萬里端
可期世無阿房宮可建五丈旗又無穆天子西
征燕瑤池材人古難用老死亦其宜丈夫恐不
免豈患莫已知公如松與驥少小稱偉竒俯仰
自廊廟笑談無羗夷清朝竟不用白首仍憂時
願斬橫行將請烹乾沒兒言雖不見省坐折姦
雄窺嗟我去公久江湖生白髭歸來耆舊盡零
落存者誰比公嵇中散龍性不可羈疑公李北
海慷慨多雄詞淒涼五君詠沉痛八哀詩邪正
久乃明人今屬公思九原不可作千古有餘愁

次韻孔常父送張天覺河東提刑

送君應典鷓鴣裘憑仗千鍾洗別愁脫帽風流
餘長史君喜草書而不埋輪家世本留侯張綱

七世孫也健為武陽人墓子河駿馬方爭出麟

馬出子昭義疲兵亦少休曹稱昭義步兵定向

秋山得嘉句故關黃葉滿行輪

送張天覺得山字

西登太行嶺北望清涼山晴空浮五髻
掩藹卿雲間餘光入巖石神草出茅菅
何人相拍似稍稍落人寰能令墜指兒
虬髯茁冰顏祝君如草爲民已痾瘰我
亦老且病眼花聾脚頑念勤致此莫作河
東慳

次王定國楊州倅

此身江海寄天遊一落紅塵不易收未許
相如還蜀道空教何遜在楊州又驚白酒
催黃菊尚喜朱顏映黑頭火急著書千古
事虞卿應未厭窮愁

東坡集卷第十六

